



Мэбета вадава" ила' панан' етри' мэква"!
НЯРЪЯНА
НЭРМ

ГАЗЕТА 1931 ПО' АПРЕЛЬ ИРЫ' ЮКАД ВАТА ХАСАВАЮДИМДЕЙ ЯЛХАД НАДИБЕРҢА

СИ" ИВ ЯЛХАНА НОПОЙ' СЕРТАБИВА"



№ 40 (5210)
2024 по'
октябрь иры'
5 яля

СУББОТА

Российская Федерация Ямало-Ненецкий автономный округ



Сидиңг: Т. Сарогатто-тадгавы"

Вадамдо'
нерня' минре"

5

Ңацекеы тохоламбади" яля



Хор" иры' 5 яля – җацекеы тохоламбади" яля. Пыдо' сидтипой я' сяр' ниня хибяхарт нида пирас". Хусувэй хибяри тохолкобата тара. Тикы' няю' таславы ненэця" тания". Пыдо' җод" җавнандо' җани' тохолкуць. Поҗганандо' җэрм' тер" нина" җани' җока.

«Няръяна Нэрм» газетаханана" манзаяндо', тохоламбада җацекеыто' нямна хонрамбинаць. Мал" Ямал' җардавна илена няхато' сава вади җэдарамби". Нюрте"э' Тасу яв' няю' пяваць.



Сидиңг: К. Яндой' тавы"



Карина Ивановна Яндой нердена по' Тасу Явхы Нэдя' школахана манзара. Пыда хойхад товы җацекеы тохоламби. Җавнанда җод" җани' танияна тохолкусь. Теда' пыдо' җобкана тада иры тохолку", Карина Ивановна җоб" иры манзара. Ңацекеыта нямна тарем' мась:

– Манзаями җули" сава җэвы. Тарабата, пон' школахана җацекеы тохоламбада нини" си"ми нядасеты". Тадҗо" хар"ни яханани мэдм', нини" мал' сававна теневын. Ңамгэхэв тараб", сяхаңгарт' пуңя' ни" җа". Тюку илаңгана школа' лохо ёльце

җарка. Ңацекеына" ныланабто', ханзели" сюрберпато' таңго, мал' җэбато' хой' тер". Поҗганандо' нердена по' хойхад товы" тания". Тохолкобата' ёльце харбё", хусувэхэна җамгэхэв едэй җавэ намдаван' харва". Маня" җобкана нердена по' школан' тэввэва", тарем' җобкана няхар" по мюсеңгува". Иры' сер' мале не-надо: хибя ханзер" тохолкода, җамгэм' пирта, тамна җамгэхэна тидхале серо"җа. Мал' җобкана тохолко пэбато' җод" ихинани

җоб" пирсавна тохолкованда" ни" җэңгу". Ханяңы җацекехэна җарка няд"ма тараңгу. Теда' җобкана сыранда ха"амвам' җатева". Салаба няҗоро"махад сыра' нимня хойхад небянана"-нисянана" тута". Ханзер" тохолковава", тоб"нандо', манэ"лабтаңгува", няндо' ваде"тава". Тедари' тохолко варева мэ"җава".

(Пелямда 3 стр. толара")

М.Ярой' падвы

Уважаемые педагоги!

От всей души поздравляю вас с Днем учителя!

Вспоминая свои школьные годы, у каждого из нас сердце переполняется чувством благодарности к тем, кто делал наши дни ярче и давал нам веру в себя. Это наши учителя! Педагоги посвящают свою жизнь воспитанию подрастающего поколения, вкладывая в каждого ученика не только знания, но и душу. Спасибо вам за это!

Ямальские учителя обладают уникальной способностью вдохновлять, мотивировать и помогать детям раскрывать свои таланты. Об этом говорят победы наших ребят. В этом году округ подтвердил лидирующие позиции в рейтинге регионов России на заключительном этапе Всероссийской олимпиады школьников, сохранив шестое место. По итогам Единого государственного экзамена, на Ямале - 21 наивысший результат и первый в округе трехсотбалльник. Уверен, благодаря вам, дорогие учителя, наших детей ждет еще много побед и достижений.

Спасибо за вашу преданность делу, поддержку, благородный труд и терпение. Желаю здоровья, счастья и успехов во всем!

Губернатор
Ямало-Ненецкого автономного округа
Д.А. Артюхов

Дорогие учителя, преподаватели и ветераны педагогического труда!

Поздравляю вас с профессиональным праздником – Днём учителя!

Быть учителем – высокая честь и большая ответственность. Ваша профессия – одна из важнейших в мире. Раскрывая потенциал подрастающего поколения, вы формируете будущее нашей страны. Именно вы проходите рядом с детьми важные этапы их жизни, помогаете найти свое место в обществе.

Современное образование становится всё более индивидуальным и ориентированным на потребности каждого ребёнка. Это требует от учителей высокой квалификации и креативности. Ямальские педагоги всегда отличались профессионализмом, неравнодушием и самоотдачей. Их труд находит признание во всероссийских конкурсах, а ученики становятся победителями олимпиад.

Отдельные слова благодарности ветеранам педагогического труда, которые являются образцом верности своему призванию. Сегодня молодые педагоги продолжают заложенные вами традиции и привносят в профессию новые идеи.

Пусть ваша жизнь будет наполнена приятными моментами, а ученики радуют самыми высокими достижениями.

Желаю здоровья, творческой энергии и благополучия!

Председатель Законодательного
Собрания
Ямало-Ненецкого
автономного округа
С.М. Ямкин

Янгуна нэвадэяд”

Хусувэй по” округханана” тына” хабцяңгат лекар” яңгаби”. Пудана мале сян по” тамна биркы җабтамби”. Тикыдо’ ёльце тарана ненадумда”ма”. Тарцям няд”мяць хибя ты нэванда, җамгэ’ то”олха хабцяңгад пардонтамбавамдо’, сян понда нэва тикахана тола пиртыдо’. По’ сидя вэчна янгуна”, тарем’ тэхэна мэна ненэця” харваць. Нердена янгунавамдо’ ты” саполана ирыхына пясетыдо’. Вадумыдо’ та’, сельбя’ няна ёльцесетыдо’.

Хэвы си”ив яляхана таңы янгунавамдо’ ёльцевэдо’. Сывхат миллион’ пир” тым’ поса’ хабцяңгад яңгавыць. Җокадо’ Ямальской, Тазовской районхана манзаидо’ минревыдонзь. Танияна

няхар” юр” сиднтет ю” ёнар” тым’ пардонтавыць. Теда’ тамна ты’ лекар” Пуровской, Приуральской районхана янгуна”.

Тюку по’ округханана” сидя ты” лекар” бригада манзараць. Ямална” нэвахы ерв сидя по’ тяхана ватом’ җадимдесь, тарцям няд”мяць нядаңгодаңэ җэрм’ тер” пирҗадо’. Пыдо’ җани’ җарка таром’ ха”аврамби”. Ненэциена” ва’ палпа нядаңгурҗа”, биркы җабтамба, тикы’ хавна ты пэртыха” помнандо’ тасалкоб” тарабата пыдо’ җани’ вадам’ мэ”җа”.

Янгунавамдо’ хавна тыдо’ җани’ толабидо’. Тюку по’ 90 ёнар” тэн’ биркы җабтавыць, тамна няхар” ю” сидндет ёнар” тэхэдвэям’ ханавыць, тарем’ җамгэ’ то”олха хабцяңдо’ таниявам’, яңговам’ манэ”сарҗа”.

Тюку по’ тамна ты пэртыха” пардон терта аптечка мипи”. Җокханда 850 мяд’ тер” тарця ня”амвыць. Җани похона тикыдо’ несэй пардонхана тердеңгудо’.

Хахаяда яля’ Шурышкарской районхана янгуна җани’ нэвадэйдаць. Ты лекар” юкад вата няхар” ёнар” тым’ поса’ хабцяңгад пардонтавыць. Совхозхана мэна”, харе” тыдо’ пэрти нэсыхы” җани’ тэвормыць. Малкось вэнодо’ пардонтамбавыдонзь. Тикыт хаңгурп”, ненэця” тыда ни малаңгу”. Яханандо’ юкад вата самляңг пардон” аптечкам’ Мужевской, Горковской ты пэрти’ предприятийхана манзаранаха” тэвравы”.

М.Яр’ падвы

Ява” лэтамбаңгу”

Хусувэй по’ ёльцианда тоб” илебей ненэциена” ява” лэтрамбава’ нямна тохолкованзь армиян’ ханлэйдо’. Хасава” җацекы” нюдя нэдяхандо’ тене”, хадерто’ яңгоб”, пыдо’ җобтики тания’ хэвандя”. Хахаяда яля’ тарця тарана серо” нямна юнм’ намдаваць.

Хор” иры’ нюртей яляхад, җарка пэвдей иры’ пудана яля’ җэсонд’ Ямалханана” службан’ ханаванди илебей ненэцие маламбаңгу”. Пыдо’ Ноябрьрьск хардахана ма”люрта”.

Армиян’ хэванди ма”лава’ нерня ервона” тарана падарм’ җадимдець. Тикахана тарем’ падвы, тад нерня’ Ноябрьрьск хардахана ма”люрмам’ сертаңгу”. Танияд сидто’ тохолкова’ яхато’ нэдарамбаңгу”. Җокханда сидя юр” ненэцям’ ма”ла пирта”. Ма”люрма яханандо’ сидто’ манэ”манда” лекарато’ хусувэй тарана җамгэридо’ танияңгу”. Сеңгалава’ лохото’ мюй” хабто җэңгу”. Хэвандо’ нерня ила’ саир” серо минрена департамент’ манзарана” нядо’ ява” лэтрамбава’ нямна хуркари тарана җавэ манэ”лабтамбаңгу”, тидхалембаңгу”. Тарабата округна” ерв ханзели” сидто’ нядабаңгу. Хаңгулана танияб”, хабцям’ хобато’, ненэцям’ лекараха” нэдараңгудо’.

Тюку по’ нэрё’ 1994-2006 похона соявы яна” тер армиян’ ма”ламби”.

Р. Окоэтто’ падвы



Сидяңг: М.Яр’ тадтавы”

Ненэцие табедамби”

Тюку нэрё’ Ямал’ тиггэвна «Медвежий патруль нюбета» проект манзара пэвы”. Ненэцие тохоламбидо’: ханзер” пэдрахана, выңгана я’ сармикахат пыхыдадо’, мядодо’, җаворидо’ лэтра пирта”.

Москва маркад тенева” ненэця” товы”. Нерде’ вэба’ иры’ 26-27 яля’ пиркана Яр-Саляхана тохолковам’ мэ”мы”. Ненадовна сэр” явэ” нямна лаханавы”. Табекохонато’ җадимдембавэдо’, җамгэхэна сармик сей хареба серо”җа”.

Хор” иры’ 1-2 яля’ Тазовской районхана ненэцие табедамбавы”, тохоламбавы”. «Ты пэрти” мяк” ту нирхадамдо’ нэдабтамбаңгува”. Ненэця” теневабто’ тара, ханзер” мэтыдо’. Тикы’ хавна тэри сянако” вуни җа”, тараванда мальңгана – җарка няд”ма», - Владимир Мельник «Медвежий патруль» серо нерня минрена лаханавы”.

Округна” серо ня”амбада” ерво” вадавна, Ямальской районхана мюсерта”, нядэна” ненэцие” е”эмня юр” ту нидрев’ пендертадамдо’ тэмдаңгу”. Хор” ирыхына нэсыто’ помна тяртыдо’. Тарем’ ненэця” харто’ пыхыдадо’, тыдо’ лэтрамбаңгу”.

Ныхы похот харто’ яханандо’ илена” ненэцяңгав” са”ла вуни” җа”, я’ сармик” нямна Москвахад товы луца” табекохот җокам’ тенева”. Нянандо’ җопой сава вада – ту нидрев’ мэтидо’ танияңгу”.

Г. Окоэтто’ падвы

Падаркана яңгодаңаха”

Тасу я’ няна сидя нюдя хардаком’ я’ падаркад ха”авраңгудо’. Матпуй-Сале няби Тадебя-Яха иле хардаңэ тад нерня’ ниhi’ толёд”. Тарем’ Таховской районхана манзарана” депутат” таславэдо’.

Таниянамале хибяхарт ни иле”. Җобкарт лапка, лекар” мяд яңгу. Тэри невхы мядикори” ну”. Ханяңы илева’ пирхарт ни” җа”.

Г. Окоэтто’ падвы

Мядондадамдо’ җатеңгу”

Тандаярка җоб” ненадо яля җась. Тикадо’ мядонда ненэцие”ед’ таславы. Пудана мале сян по” округхана” турта” ненэховавна җэрм’ терҗэ ханзер” илевава” манэ”ман’ харвасеты”. Тикы’ няю’ пыдо’ есям’ салдамби”. Тэри нув’ ед’ ненэця” тарця мядондахана ялянда сохом’ нида мадаңгу”. Тюку илаңгана җани’ яхат турта” сававна мядолава’ е”эмня җани’ тохолко серо”җа. Җадьбята Новой Уренгойхана җэрм’ тер” тохолкованзь ма”люрҗаць.

Җокхандо’ округна” тиггы хардахат няхар” юд’ мян ненэця” ма”лыць. Тикы” община ня”амбада”, харе” манзаидо’ нерня минрена” хибяри” нэвыць. Сидя яля’ сер’ мале җока пыванда манзаяханандо’ тарана

җавэ намдаць. Тикы’ хавна намдавыдо’ мэкад серо тасламба хорпидонзь. Ханзер” турти мядоламба, җамгэм’, ханзер” ваде”ма’ нямна җани’ табедамбидонзь. Тарем’ тохолко”махадамдо’ мядондахандо’ едэй иңудо җадимдевы”. Хибяхавадо’ морахат шоколадм’ сертабаван’ харвавы, җанидо’ мядондида мерета еся ханм’, «буран»м’ ма”ламба лаволамбаван’ харва, ханяңыдо’ җоб” яля ненэй мякана мэвам’ сертаван’ харва”.

Тохолковандо’ пуд тарем’ мядонди ядабтава’ няю’ «Дорожной карта»м’ сертаць. Тарцям’ няд”мяць җани’ яхад турта мядонди манзаята”.

М.Ярой’ падвы

Ңацекеы тохоламбади" яля

(Нердена пеляда 1 стр. җа)

Ңани җоб" вадам' Ямальной районхы Сюнай - Сая харад' няд җэараць. Таяна нёлеко җацекеця" тохолку". Школаханандо' җока соходо' ненэй ненэця" манзара".

Любовь Пудановна Хороля

Любовь Пудановна Хороля җацекеы тохоламбадаҗэ тара, манзаяхананда җули" пэдава. Пыда тенева: ханзер" ненэй вадава" лэтра пирҗава". Табекода тарця: «Харто' яханато' илена" ненэця" вадамдо', иландо' саирм' теневаб"нандо', җацекехэто' вадепато' тара».

Хар"на" вадавнана" җэда сё", лаханакон" нямна җацекеы" етри' няданда хонаркосеты". Ңарка нядо' сидто' табедангу,



Сидяңг: А.Ялтик тадтавы

тидхалеңгу. Вадавнанда сава няд"маҗэ тохолкова' серкана җэрм' тер" нина" падвы" книга" тара": «Хусувэй паднана харта илаңгананда хомбавыда, манэм"мыда толаңгоди" еэмня падвы. Ненэцие" илам' ямидхы похот тюку ялена" ёльцанд' ваде"җадо'».

Сэротэтто Луиза Павловна манзаянда нямна тарця вадимэ"җа: «Ңацекеы тохоламбада теда' мэта илма" нерняҗы ялена" няю' тидхалембида. Тэри ненза сехэрым' вуни җадимдеңгу", тикы' хавна тамна ненэциам' тохолоңгуда: ханзер" ни тапхалт", ханямна вэ" няңым' хэрабтаңгуда, хурка серк" тидхалёда».

Луиза Павловна Сюнай-Сая' школахана җацекеы тохоламбаванда хавна советникҗэ тара. Школа' ерв' нядаңгодаҗэ яңга җацекехэ"на манзара. Тохолковандо' ирмня хуркари" илаңгана тарана җавэ тасламби. Сянакултамбида, сава серк" табедамбида.

Тюку нява" җод" җобтики сидяпо' тяхана манзара пэяць. Ңули" харбё җэвы, мале җацекеы тохоламбади" поңгана сава юндасо, хуркари" конкурсха"на нерня' ха"морҗа". Хойне Ивановна Вануйто мале нябимдей по' Ямальной районхы Сё-Яха' школахана манзара. Пыда нюдякоця җацекеы тохоламби. Ңавнанда җо" харта таяна школам' ёльцесь. Теда' тохоламбадида җули" сававна хамедамбида. Тадри' тюку си"ив яляхана җацекеы тохоламбади" ялям' җарка яна" тиңгэвана мэтава". Тикы' нямна Хойне Ивановна тарем' мась:

–Мань школам' ёльце"мяхадани җацекеы тохоламбадаҗэ хэсь таславась. Нянани тарця манзая тарась, мале"мяхадани


Хойне Ивановна Вануйто

тамини манзараңгуда"ма. Тарем' тасламбив, җацекеы тохоламбада манзаямда җули" савовна теневабата тара. Ңацекеыда сававна хамедамбаңгува. Хусувэй ялями нянда то"олха ни җа". Тикы манзая җули" иликабты. Тохоламбадини хуркари едэй җамгэхэ" тохоламбин". Пыдо' индо' ядан' тохолку". Саць саңговота сер" ни җа". Манзаянда савовна мима' еэмня ненэць' етри' харта тохолкобта тара.



Сидяңг: Х. Вануйты тавы

Сидяңг: Л. Сэротэтто тавы



Луиза Павловна Сэротэтто



Сидяңг: К.Яндой тавы

Сидяңг: К.Яндой тавы



Сидяңг: Г.Кинчина тавы

Людмила Сергеевна Нядонги

лахана: «Яб ненэцианд' харта ни тур". Ябм' тэвода тара. Тэри җопой яхана җамдэдаханд җамгэхэрт ни җадимд". Хусувэй ненэць' иланда харта няданда пере. Харта таслаңгуда, ханзер" илван' харва, җамгэм' тохолоңгу, җамгэ нянанда җули" ни тара"».

Людмила Сергеевна манзаямда етри' тид" минреда. Тет по' ямбан' школандо' нермбэртяңэ тарась. Тюку по' җани' җацекеы тохоламбадаҗэ манзара пэй". Ңани нида няць җопой мяд' тердарев' хусувэй җамгэм' пирдалемби". Ңацекеы" сидто' тохоламбада җарка нидо' саву"ядо'. Тое-нана серо мал" җобкана тасламбидо'. Нюдя школаханандо' иландо' сяхаңгарт' җопой яхана ни ну".

Таня хэ"ли' нива" тэворцегу. Тюку илаңгана луци" мутры няд"мяць Надымской районхад вади намдорҗава". Таяна тюку сава нява" манзара. Нядонги Людмила Сергеевна – Наре' харад' тер. Иланда нямна, манзаянда нямна тарем'

Манзаяхананда пыхыдамда вадавы



Елена Пушкарёва ненэй ненэцяңэ поңгадана" нюртей ңарка учёной нюмам' мэтава" – доктор исторических наук. Ямал' янда няю' таром' ха"авравэда ңока. Тикы' ед' нямэркахана медальм' ня"мась. Хахаяда яля' нява" ненадо ялямда ядабтамбись. Мани' лахарёми' иланда нямна минреминзь. Нюрте"э' ңацеке ңэвамда тензетенинзь.

хэвхананда сэдорава". Нисява" ёраць хая – ня-нанда хаява". Сэбадава" ма"ламба хаява" – ңани' ңобкана хаява". Ңоб" тарем' хусувэй манзаям' тохола" нивам".

Сидна" тохоламбадина" мал' вадава" теневаць. Лидия Семеновна Витязева сидна" тохоламбада, ңысма несь. Яханана" ңокаюм' пеляда сидя вадам' мэс" ним". Пыда ненэй вадавна ёльце теневаць. Савовна тохолкудамзь, геометрия ңэдакы, алгебра тянюмбой маяндорцетым'. Школам' ёльце"мяхадани ңабцата ям' мерабдаңэ тохолкован харвадамзь. Нюдя ңэвана" мальңгана нисява" ям' мерабдади ядэланаңэ тарасятвы, тамальңгана ям' мерабда та' пирувна ңока, манзеты", ненэй ненэця" золотэ хомбада" ңэдакы". Ңамгэ' пиркана небыхаюни'-нисяхюни' ма"нихим', ям' мерабда не' манзая ни ңа". Пыди' ңадьбяти' тарем' лаханавэхэ: ям' мерабда" ню" нянана" интернатханана" илесеты". Пыдо' небынадо' нисянадо' ңоб" мюсер"ни"им". Тэхэна мюсер"ңама" хойхана мэма". Ма"нихим', нябакор ңацеке тохоламбадаңэ тохолкурңанё", Анастасия Тимофеевна, нянд тотрев' хань".

Сидяңг": М.Яр' тэдтавы"

Ңацеке тохоламбуванда" тохолкулвахана сидна" хуркари серт' тохоламбиць. Сё мэ"ңава", санар"ңава", пад-таңгурңава". Саляңгардахана тохолко"махадани манзарамами яңгу. Тамальңгана ңахакуд ервона" савовна тохолкоди тамна нерняку' тохолкованзь ңэдатамбасетыдо'. Няни ма"ним": «Ңарка март' тохолкованзь хань». Таняна, Ленинградхана луца вадам', литературам', ненэй вадам' тохоламбадаңэ самляңг по' тохолкудм'. Ненэй вада нерденя манзаями ңэнив. Толаңго, ненэй вадавна лахана, падна, лаханако-сёе ма"ламба тохоламбиць. Си"ми Зинаида Николаевна Куприянова луцине тохоламбись. Ненэй вадам' ёльце теневадась. Пыда ненэй вада' нямна падвэда ңока, сюдбабц, ярабц ма"ламбавы не.

– Маня" яханана" таңоцяма" нюмда Харад-яха. Таняна ю" мя", ханяңэхэна юкад вата самляңг мя" палёда". Ңацеке етри' ңока ңэсеты. Пэвсюмя' няна иськабтё сянакобнана", нина" мандним": «Масы Масы! Ңылека" сюрбелыд"! Хонэйда"!» Ңамгэ' пир"кана парнэ нив ту". Тёркосавэй, яркосавэй ненэця" мякандо' сюрамба хая". Ңопой нява" ма"нив: «Эрю ири ңэдараха». Нисянана", небынана" ма"ним": «Ңавэта" Эрю ири, тикара" – парнэ». Ңарво"махадана" хонрав: «Ирике, пыдар ңэсан»? «Мань ңэнисядам», – мальцямда няби ня" сюртемабавы, тарем' тарцавэйңэ ханя"-таня" тырцоре"эңэ хан"мы. Ңавна тюку тотрев' сидна" тарем' ниць табедамбю". Небыва" сэдора – маня"

ТОХОЛКОВАДА

Совет" ила' пиркана сиднет, си"ив похонанд сит тохолко ханаңгу". Школан' хэ"мяхадани ңамгэхэрт маям' нидамзь ху". Ңавнандо', интернатхана еканд' сит пэртар танясь. Си"ми пэртари юдимдей классахана тохолкода лучине не ңацеке Людмила Молчанова. Илни ямбан' тенева, си"ми хуркари серк" тохоламбись. Манда, ңудид, ся"ал халта", ңоб" си"ми пэрцеты. Тарць харыхана маянзипой" тохолко пэяв".



Тиками ёльце"мяхадани тамини Саляңгардан' тодм'. Ңацеке тохоламбади" тохолкулвахана манзара пэяв". Луца вадам', литературам' пэрңадм'. Ңамгэ' пиркана си"ми Партия хана. Ненэй ненэцие" помна ңэдалёрңадм', ненэй ненэцяңг" хар"на" вадавнана" ңани параңода" я" илам' ваде"ңадм'.

МИНРЕВЫ МАНЗАИДА

Зинаида Николаевна Куприянова иланда ямбан' ярабцана", хынабцана" ма"ламбавы, сяңок ненэця" таняна тохолкоса", сидна" мал' манзаяханда выйпись. Манзеты: «Манзаями хаёбта ни тара", нерня' минрера"». Вадамбой' тохолкована" сер' сидна" тохоламби. Тамальңгана тарця ңэнисяв, тюку яхад сит тохолкованзь ңэдабтавы ңэб"нандо', пырдары' тоб"нанд няхар" по' манзараңгун. Тарем' няхар" по' ваера"махад аспирантуран' хаядм', тикым' ёльцедм', манзаями пилибт ня"мав. Илни ямбан' лаханакори, хынабцари, сёри манзаяман харвадм'. Илни тарем' ханзеркав хан"ңа, ңани' пареңода' манзаян' си"ми нэкалта". Ңобаңгуна Розалия Ивановна Ильина лахана: «Елена Тимофеевна, ңавнанд пареңода' есяхана сит тохоламбиваци", тюкона институт ңадимья, ненэця" тара". Мале сян по' манзарадм', ңамгэ' пиркана тэраңгова ңадимья. Ханяңы ненэця" маним: «Пыдар тюку параңода' серо ёльце теневад. Москва' няна нядаңгодаңэ пон' тарасанва, ерво" манзаяхана юд" по' манзарасанава, пыхыдар таня' хортава». Мань манидам: «Нидм' харво", институт' манзая сейханани ёльце сава. Илни ямбан' поя тарем' манзараван харвадм'». Тарем' сидя иры санартахана", ңамгэ' пиркана тэраңговахана нерняна хэвэдм'.

ЯБДАВА' НЯМНА

Ненэць' пинвада ти ңэ"нив": мята тер" сенз" ңэя". Тикы' хавна пилотава" ңамгэва"? Юңгу! Ңодь сензава" ңэхэво". Манзаидо' савовна миңая", неноховавна сенз ңэва ти.

Ханя, ябдава ти нив ңа": хусувэй яля' яля' сэвм' маниен, толянд нина ңаврар таня, нюд, нид сенз".

Лариса Окоэтто'
падвы

Вадамдо' нерня' минре"

Вэба' иры' пудана яляхана Санкт-Петербургухана нэрм' терүэ нядна" перена" юн" һадимяць. Мал' һобт' ма"лахая нянда" тэвра таслэйнаць. Маня" тохолкодаңэ нямнана" һа".

Нэрм' тер" Иститутхана ненэй' ненэця" ансамбльм' һадимдець. «Едэй яля» һэ нюмдедонзь. Наңэдя яля' вэс ансамбльдо' нюмд тасламбавыць. Нули" нюрте"э' мараңаңэ, хаер" яляңэ, хаеракоңэ нюмдеван' хар-ва в э д о н з ь, пуна' теда' мэта нюмгнандо' ха-сермыць. Хэтырта саванэ таславы".

Ансамбалы' һадимдеванзь Нэрм' тер" институтм' ня"амбада Софья Александровна Унру тыхакуна табекысь. Тохолкода ненэй' ненэцяңг" пыда ма"мысь:

Пыдара" һобкана һопой иңукана минрена" яңгу. Тарси" һобт' тараванзь, тэри ядэрманзь ма"люрһаданё"? Ненэй' ненэцяңэ, институтхана тара пир"һаранё", харе" иланда саирм' манэ"лабтамбаңгуда". Һани яхана илена" ненэця" сидта" сававна торомдаңгу".

Тарця вади" пуд мале сянңэ ансамбльдамдо' һадимде". Нюрте" таравамдо' литературам' манэ"лабтамбава' яляхана мэ"һадонзь, тикамдо' «Сеңгакоця» сё' ед' сертадонзь. Тики яля' сидто' манэ"манзь мале сян ненэця" товыць. Тики' хавна Ямална" литература' сайтм' манэ"лабтаць. Сайтханандо' округна" тер" паднани" манзаи хось пиртада": луца", ненэй' ненэцие", хаби", тасу



Сидяңг": Т. Сэрогэтто' тадтавы"



хаби" вадавна, английскойхарт тая. Һани я' тер" һобтарем' Ямал' книга һани' толабидо'. Сянхав маня" паднанина" тики вадан' падвыдонзь. Хибя луца вадахад ненэй' вадан' падван' харвабата, харта падвэнда таяңб", сидта нядаңгу".

Нэрм' тер" Иститутхана тарем' паднаван' харвана" мале һадимяць.

ТОХОЛКОДИ" ЯЛЯ

Хаяяда яля' Я м а л х а д н а " тохолкоди" яля һась. Тодо яхана тохолкода илебей ненэця" ту һанохона харад' помна һэдалёраңаць. Тарця тарана сер" хусувэй по' тая. Нидо' һобт' тэбтамба, савовна тохоловандо', һарка харадм' манэ"мандо' е"эмня ма"лёвы".

Тюку по' квестхана сянкуць, мультик' сер' сертавэдо'. Хусувэй нулталвахана тохолкода"

һамгэхэвм' пэрһаць: сэвто' талё нито' һуди ня"амба матё һани ян' тэва тарась, таросяр хурка һэвам' падаркана падыбиць.

Ту һанохона няхар" юдмян' вата ненэця" товыць. Нидо' нули" нюрте"э' сабеехэравыдонзь, һобкана һэдалёро" махадандо' нидо торомдэйдонзь тики' е"эмня тарця сер" тара. Ту һано' нид ха"ам"махадандо' хусувэндо' ида ёльце савась. Мал' һобкана һэдалёро"мамдо' ненадо ялэңэ ваде"һадонзь.

Татьяна Сэрой' падвы

Нэрм' тер тохоламбавы

Мале сян по' ямбан' Россия яна" тиңгэвна илена" нэрм' тер" ненадо ю" пом' мэ"һа". Сидя ю" нябимдей поход няхар" ю" нябимдей по' ёльцяңд' вадидо' лэтрамбава' няю' һока һамгэм' серта тасламби".

Тандая' Чукотка' няна һобт' ма"лёвы". Ямалхад тая' Тусида Светлана Ивановна һэдалёрмы. Пыда яна" тиңгэвна юнета илебей не. Ненэй' вадава" тохоламбади нерня' тидхалемби. Округханана" ханзер" вадава" лэтрамбавава" һани нэрм' нита саякана ваде"мэда.

Чукотка' тер" Анадырь марканандо' тасалковы". «Родное слово» нубета организацияңдо' тер" һока нидо' һобт' ма"лавы". Пыдо' мале няхар" ю" по' ямбан' һопой иңудм' мэць вадидо' лэтрамба хуркари" серк" ха"морһа".

Теда' һобтики тарана серо ваде"мы". Невхы иландо' недам' ното' ила' сехэрэңэ харвабтадо'. Һадьбаты' пили" нюрте"э' вадамдо' лэтраван харва". Тики' е"эмня тодо тэнз" нэрм' няна илена няхатато' табекодамдо' шорһа".



Сидяңг": С. Тусида' тавы"

Светлана Ивановна харакута сер' Ямал' тиңгэвна мюсерта нита илам' ваде"мы. Тики' хавна ненэй' вадам' тохоламба мэта табекута нямна лаханавы. Яңга Иван Истомин ири' лаханаконенэй' вадан' падыбавамда тензэбтевы.

Ямал' тер" е"эмня хор" иры' самлянзимдей яля' тики манза-ямда, ханзер" паднавамда ваде-

та. Инзелеванзь товы ненэцие няць «Мяд' тер"» нямна лаханакурта. Хаця нюдя һацекэдрев' тохоламбаңгуда. Тамальһанга Салыңгардахана мэбта", һарка библиотека' мят' тюида", адресда ти: ул. Чубынина, 36. Таяна илека серо намдаңгуда".

Галина Кинчина' падвы

Сёбар" һацекы" ма"лыць

Приуральской районхана Белоярскхана сёбар" һацекы" ма"лыць. Пыдо' нэрм' тер" сянкубц мэ"мы". Тики' няю' районандо' хардахат сёбар" турһаць. Аксарка', Харсаим' харад' тер" турмыць.

Выңгана вадёдана һацекэхэ"на ярколава, хано санарпава, сюрберма илаңганандо' едэй һамгэ ни һа", пыдо' һыхы сэвто' сыло"махат, иландо' саиркана ныхыдо' хорпидо'. Теда' һод" сянковахана мэбетедо' тасламбиць.

Сидя яля' сер' ва"лэй сёбар" нидо' һадимяць. Пирдыро"махадандо' тарем' еремы". 11-13 потни" поңгана сямяңхат мэбетедо' Белоярск' школахана тохолковы". Пудандо' Аксарка' тер" еремы", няхаромдэй" Харсаим' школахад һэвы". 14-12 потна" һацекы" поңгана һобтики тарця һэвы. Сямяңхат һокавна 272 ханм' Марк Тайбери сана-вы.

Марина Ярой' падвы

ЛЕСНОЙ
ДИАЛЕКТ

Деты нятакома

Чуки похона Ямалханана Нэдм' чел' нешади" дилм чуув паделъш шедтамы дорожная карта детымтантуң. Чики хома шед округна џалка ведв таньше тасламы. Таңичохона пыта Тазовский' районхана выџкна дидина" нешади" мяту" няна канџаш. Ёамы выџкай дилант таламам, нешаџкна дилтуң нямна дџимяшош намтдяташ.

Тай"ня чикиџу путмалъшхайта", Нэдм' чел' нешади" дил нямна џайта мансдям миндена департаментхат мэна", таничуџ дямпан нешади" мяту"мана дятлыџаш". Выџкна дидина" нешади": тэхэ"на мансдани", калитани" выџкай дилхантуџ џамы таламаџ нямна кондымпиш". Таньше нешади" кондампюма мансдям Ямальский район' ведв Андрей Кугаевский миндеџаташ". Четаџ манле куки шедутоџ таслайтонъш.

Чуки похона Нэдм' чел' нешади" мичилпџа ты" џамши" веш" џоктандятуџ. Первый' категория тондюта ты џамса џуп

килограммта мил хампляџк дюл" веша џайты, второй категории – шича дюл" хампляџк дюл". Манде тытуџ кыламан хатта неша", тытуџ џамши" таџок вешамана миштондятаџу. Чикиџ камна тытуџ миман хатта понтуџ шед убойный пунктан миштондятаџу. Кыдамайтуџ тытуџ копа", пена", шейку", мыт", шан ништондятаџу лусаха" мис, џаџтуџ кыдилештондятаџу.

Таньдеэмня џайта вачитоџ џупчики

тасламытуџ. Ёай џыди деты шедтоџ ты" паџтону деэмня џа.

Чуки похона нешади" няаммы ветеринарный' аптечке" деты паџтонхана" нятанайтуџ. Кудка паџтон ты" деч" хомяхатапџш таламам, џупчики тэхэна мансдани" кондахадяш таслайтонъш. Ёопшед џуп денадкат ватта

хампляџк дюл" ты" паџидта хозьяйствам паџтонхана нятанаџа".

Чикиџ камна детымтамытуџ дорожный' картан тоходкота" џашки" нятапџмаџ дет џайта шеду" патнаџа".



Таньше мэма хома

Дакхай" похона" калтыхина мансданна" Нэдм' чел' неша" ГТОхана пытатуџ конулпџшту". Самбудкахай школа-интернатхана џуп мэмахана няхал дют џок неша" – џашки тоходампюта", џашки паџидта" ГТОхана џюџк џаймямтуџ конулпиш". Ха"мудяш", шудвидяш", џутахана пытатуџ дилаштуш", нуху-дя нельняџ вы"ланаш вџнтольшту".

Самбудкахана чики учрежденихина мансданна" пу" тахана таньше нормативу" шедтапџш пытатуџ конулпџшту". Таньше мэш всероссийский' движенин шан пуџ чена чепъџаш". Школахана мансданна" џашки неша", манде шеду" чедимяна куптат таньняна мансданна" педагог", чупей маньшту", таньше мэма нянантуџ хома. Чуки ноптухуна школахана мансдятаџ џокма, куптаџ

пџай мят мюня мансдашту". Талдям дечантуџ дякумаџ тай"хана талъша шед мџэлџаш".

Чикиџ камна тоходампючетуџ џашкайтуџ шичитуџ маньдеш џупчики таньше мэшту". Самбудкахана школахана мансданни" камна џыди организацихина" мэна" џупчики ГТОхана пытатуџ конулпиш". Ёука неша" спортивный' нормативутоџ хомана шедтадятаџонъш. Кимья тамна ГТОмта ниша мис, чуки пуџ хусыт дџџышат шедташ тада. Талъша нормативу" нямапџџа" нельшту куняна чикитуџ нямапџџаштамтоџ паташтуџ. Кимья кудка норматив' шедташатым, шан потуџ џаймя нямна таслаштуџ. Кукят ха"мольшту, вџнтольшту", кукят шудвидьшту", дяттольшту", џай џыди упражнении" шедташту".



Таттама Андрей Пяк таттамы

Тадебя җачекры

Тюку лаханаком' «Ямидхы» лаханаку»» нюбета толаҗгобцьҗгад е"эмнанда" ханаваць. Яр Василий Дмитриевич 1976 похона ваде"мэда. Тамальҗгана Казимир Изидорович Лабанаускас Таймыр' няна ненэцяҗгат җока лаханаком' падвы. Лаханавандо' сер' падыбавыда. Толаҗгобта", Енся' няна мюсерта" нина" вабцм' намдана то"олхада" җэҗгуда".

(Нердена пеляда 39 номеркана җа)

Сёнчант саво җэб", сеней тотрев' яхаку малан' хэин. Сеней илепчатет тома' мюмня сидя хоре тутҗаха'. Варер җэя, нёхоюд җэдара".

Пи' ямбан' вэсаку немада ни харва". Хасава нюнча вадам' мале торомда" нидав. Сэвта ед' выни лахан", хумбачи" ни самбадорчьту". Вэсаку ихнянта манчтьты: «Хасава нюни вадам' мадаб" вэва җэ" нив. Самбадорпата җод" сиякада юҗгосяты».

Хуняна юркы". Пухучада едм' мале пиревы. Ѓормахаданта вэсакор еся җынамта няма, яха' малан' пята. Яля' ямбан' сыҗгрёда юҗгу. Пэвсюмя' няна то, сюнканта ниня сидя хорем' пэмби.

Еваку җачекры манма:

–Ирикэ", чуку сидя хорем ниамтсавэй, тайсавэй, пенасавэй,

тобасавэй хабаркаюн"! Хабармы хобаюд харван җыдахаюн"! Вэсаку тарем' сертада, хасава нюнча вадам' нида мадабю".

Хуняна юркыд", җорҗа". Еваку җачекры ма:

–Ирикэ", сийняҗы сохон' хэин. Сидя хоре хобам' хана"! Сохо җэва' ниня хаеҗахаюн"! Тад пыр-дари туин.

Вэсаку җани' нюнча вада' чаха' выни җэҗгу". Хананта мю' сидя хорента хобам' нямдкосавэй хураҗахаюда. Сохо җэва' ни ханаҗахаюда, танияна хаеҗахаюда. Тад мяканта то. Нумда пэвсюмч хонэйд".

Пи саво ерня пухуча сиды, пин' тарпы". Сийняҗы сохоя' няна хэрна со: сябартар сябарҗа, ядартар ядарҗа, силартар силарҗа, сэдоранар сэдора. Пухуча мунчипой" намдыда. Тад мят чу. Вэсакомта нида сидебю", ни ман", тарчам

намдадм, амгэ? Мунчипой" вав' ни' юсиптэй", хонэй".

Яля' ерҗэ хэхэва еваку җачекэр юркы", ма:

–Хадакэй", мэн харбилывэй"! Едм пире"! Пухуча едм' пире. җачекры ма:

–Иrimi ханя хэся?
–Ирир пихиня мэ. Ханота аво-ри пэрҗа.

–Вэсакор хот!
Пухуча пин' санэй", ма:

–Ептов, нюр сит хаҗа!
Вэсаку мят' чу. Еваку җачекры ма:

–Чедав җортава". Тад чикад сюнкамт вадарчь сохоян хань". Сохо җэва' ниня җока амгэрим' хонҗун. Амгэм' хон, малҗэ таид.

Вэсаку хая. Сохо җэва' ни' тэвмахаданта манэҗада: тандая мивы пенчер" таниявы, тандая' сэдвы тадебя паны таниявы, лянҗгапчёда есясавэй паны. Вэсаку малҗэ сюнканта ни' хурэйда, мят' тэв-райда.

Еваку җачекры манма:
–Чедав тадебя паныни тания",

пенчерми тания. Ненэй тадебяҗэ хэрхадамню". Ирикэ", чуку тадебя паныни вандаку' мю' лакамбой' сюран"! Вэсакохо', пухучаха' маҗаха':

–Чи, хасава нюми' тадебяҗэ хэрханю". җачекры җэпта җод" хумбачи" ни самбадорчьту". Вэсаку тадебя җачекры вадита сер' паныда, пенчерта вандаку' мю' хурэйда.

Тад чикад няхар" яля хэнякы. Тадебя җачекры туҗгус вадавна пили" самбадорчьты. Амгэ ёльчҗгана тадебя җачекры ма:

–Ирикэ", маяндорта җачекэҗэ җэвани мальҗгана ю" туҗгуми таниясь. Чедав ю" туҗгу" тальняку миҗа", няхар" юдмян тыду пумнанту миҗа".

Нянэяри җод" ю" туҗгу" җадимья", тэсавэй миҗа". Тэвмахаданту җарка туҗгу" манчь ханада:
–Маня" җадьбяна" чёкон това", ныхыта тадебядава" җюва". Нябакова" җули" хаҗгулы". җавнанта нись хаҗгур", сёнчада савась. Тад чикад вэва серма" хаткэйчь. Яв' хэвхана ёртахана" нянана" илена хасава җачекры юхусь. Хуняхавана хавакы. Валакада хамамта нивачь хо".

Чикы җачекры ёхома пуд нябакова" хаҗгулычь. Хуркари тадебям' тасьтыва", тароду юҗгосяты, хучеркарт сумта ямадунчь. Пыдари тарчари юҗгудақы?

Вэсакохо', пухучаха' маҗаха':

–Тарчами' тания. җачекры җэпта җод" пили" самбадорҗа, вадита сияк ни" җэсьту". Чедав мякана хуны.

Тарем' лаханакуртаханту тадебя җачекры сиды, юркы". Пин' санэй", манма:

–Ирикэ", хибя то?
Вэсаку ма:

–Ю" туҗгу" тэсавэй то". Нябакомту тэвра", ма" ним, ныхыта тадебя тара. Нябакомту хучеркарт сумта ямвэду.

Тадебя җачекры ма:

–Нябакомту сумта хадҗод" хортанакэв. Сумдахавабнани недни мыҗгув. Чикы чахамна тамна сидя юдмян тым' татада".

(Пелямда җадиманда газета-хана толаира")

К.И. Лабанаускас' падвы, «Ямидхы» лаханаку»» книгахад ханавы.



Сидяҗг: М. Яр' талтавы"



Сидяңг. Х.Яунгад тадтавы

Сидяңг. Р.Окогэтто тадтавы

Выңгы иле'мямди' тенеди'

Луца падаркана хор" иры' нюртейяля – наромбойненэцие" яляңэ таславы. Тикы' е"эмня иринахана", хаданахана" сава вади мэцетыва". Пыдо' иланганандо' манэ"мэдо' жока, ваде"мандидо' нобтарем' таясеты". Тандаярка ядэрмани' сер' сидя ненэцяңг" торомда-дамзь. Теда' Саляңгардахана иле"ңаха". Сергей Лелеевич Окогэтто пухуцянда ня' иле"мямди' ваде"ңаханзь.

Пыди' илеванди' ямбан', мат" ю" поти' нэсонд' Сё-Яха' выңгана илевэхэ'. Не нюхуюти' харти' илам' пыванди' сер', Саляңгардан' тось таславэди'.

Вэсако манзаядамда ховысь, пухуцяюм' ненэй сэдораванда е"эйңэ панорңа. Паңгалмы ңаворида жока: имбытад",

саваця", ңоба", насок", тамна ңани паской ңавори сертаби.

Лаханаконя"ңахаюнась, иланди' нямна хонрамбихиюнась, тэхэ"на иле"миди' тензетембихинзь, хардахана хурка ңэвам' хэтңаханзь. Вынд' харвабонди' таяявам', яңговам' хонрамбидамзь. Пухуцяюм' Наталья Нябиревна тарем' мась:

–Хардахана илева сава. Хусувэй ңамгэ' мэлва" хахай". Вынд' харвобцоми' ңоб' юңгу. Не нюхуюни' няку' тось тасламинзь. Нюни" ню вадаба нядангуни'. Тябихутвахад ехэрамд', мэвандами яля' сер' жока ңэсеты. Пони' ңод" жокама"ма", сидяриңэ ты" мякана иле"бани нянани' тоенаркаңгусь. Тикы' сер' тарем' тасламинзь. Тохолковэни' ңэни"ним', серо хая хамедамбини"ма. Ядембада ё" нямна ядэрцяни"ма.

Тарем' ңарка харад хурка ңэвахад теневани'.

Сё-Яха' выңгана иле"мямди' вэсакоюм' Сергей Лелеевич тарем' ваде"ңадась:

Выңгана илевани маляңгана хуркари" я"амна мюсерцетыни'. Хар"ни мэлава' ёни' нобтарем' таяяць. Невхы похо"на ямгад нявотана Ёнэй яхан', сыра' ханони' мэлван' тэворцетыва". Таңгвахана мале сян ңысыңэ ңобт' ңысурцетыва". Ңэрё' няна тэраңгосетыва"ма". Вэба' ирыхана ненэця" таңгамсетыд". Ты" падде ңэвадасетыд", ты пэртя" харто' сырэй мэлвахато' мюселцетыд". Тад пуна ненэця" ёрманзь хамекода". Сэротаванда, сямдараванда халыдамдо' ня"марпаңгу". Хор" ирыхына нылёй" тына" сава мирбяхато' ха"морцеты". Тора сыра' нимня ңэдалёва сава ңэсеты, я" мал' ңадясеты". Нумда ни тецясету". Тэхэна илевани нерня тамна илебей ненэцяңэ ңэвани маляңгана тохолкудамзь. Ю" классам' мале"махадани' Си"ив харв харад' училищахана тохолкудамзь. Пуна армиян' си"ми ханаць. Службами' мале"махадани Сё-Яхана манзарадамзь. Харад сертабадаңэ тарадамзь. Тад пуна ниями нядаванзь хой' ня' танэяваць. Ты пэртяңэ таралъяваць. Теда' ңани' харад' иланд' тэвыни'. Тябихутвада юңгу нив". Манзаям пэрңадм'. Ңаромбой ненэць' ңэхэваб", мань нянани харад' ил' сава. Лекар" мяд', падаркана"на тарана серо" мэлва" хахая ңа".

Нюхуюни' хэвхана таңга пухуцяни' ня илени'. Нюни' нюкця манзаяңани', таңар ненэцяңэ хэ"мяхавад ңамгэхэрт' ни тара". Ңодь мят' тер" хэвхананд мэя".

Тены похо"на хой' няна илена" ненэця" хардан' илелаңга". Ханяңыдо' сыра' манзара", ңани" та' выңгана тэхэнато' мэсеты". Неры Сергей Лелеевич' вадавна ңармы ненэцяңэ хэ"мяхад ңод" мят' тер" хэвхананд мэя". Тарем' лаханакуртахани' лаханаконяхаюни' паромаханзь не нюнди' хасава ню иримда пин' хаңадась. Пыда тэхэта паромбадарев' минханда мун' мян ңацекэдрев' ембаяць.

Руфина Окогэтто' падвы

ОБЪЯВЛЕНИЕ

ПОЛНАЯ ИНФОРМАЦИЯ ПО ТЕЛЕФОНУ
8(902)81-6-11-90
ЗВОНОК ПО РОССИИ БЕСПЛАТНО

СЛУЖБА ПО КонтРАКТУ В ВС РФ

ВРЕМЯ ДЛЯ ВАЖНЫХ РЕШЕНИЙ!

КонтРАКТНАЯ СЛУЖБА
5 000 000 Р
ЕДИНОВРЕМЕННАЯ ВЫПЛАТА
2 300 000 Р

ПРИ ЗАКЛЮЧЕНИИ КонтРАКТА НА ЯМАЛЕ

Привлекательные условия: с другими регионами, возмещаются затраты на проезд от места проживания до г. Салехарда. В период оформления прохождения в г. Салехарде бесплатно. За рубежом бесплатно не платят!

ОБУЧЕНИЯ:

- ✓ ОПЕРАТОРОВ БЕСПЛОТНЫХ ЛЕТАТЕЛЬНЫХ АППАРАТОВ
- ✓ ТАКТИЧЕСКАЯ БОЕВАЯ
- ✓ МЕДИЦИНСКАЯ ПОДГОТОВКА

1 900 000 Р (срок службы 1 год)
до 120 000 Р (срок службы 2 года)

ЕЖЕМЕСЯЧНЫЕ ВЫПЛАТЫ ПРИ НАХОЖДЕНИИ В ЗОНЕ СВО

РЯДОВОЙ ОТ 210 Т.Р.
СЕРЖАНТ ОТ 232 Т.Р.
ПРАПОРЩИК ОТ 292 Т.Р.



Сидяңг. Х.Яунгад тадтавы

| | | | | |
|--|--|--|--|--|
| Газета «Няръяна Нгэрм» | Главный редактор Яр Марина Тэтакучевна | ГЕНЕРАЛЬНЫЙ ДИРЕКТОР АНО «Ямал-Медиа» Зулинова Мария Андреевна | № 40 Подписано в печать 3.10.2024 г. Вышла в свет 5.10.2024 г. По графику: 16.00, фактически: 16.00. | ПОДПИСНЫЕ ИНДЕКСЫ: на год – ПА701, на полугодие – ПР562. |
| Учредитель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708). | | | Тираж 3616 экз. | Цена годовой подписки 166 руб. 84 коп. |
| Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708) | | | Заказ № 1554 (тираж 1581 экз.) отпечатан в АНО «Ямал-Медиа» Юридический адрес: 629003, Ямало-Ненецкий автономный округ, г. Салехард, мкр. Богдана Кнуныяца, д.1, каб. 106 Фактический адрес: 629007, Ямало-Ненецкий автономный округ, г. Салехард, ул. Чубынина, 39А | В розницу не распространяется. |
| Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года. Регистрационный ПИ № ТУ72 – 00559 | | | Заказ № 1554/1 (тираж 2035 экз.) отпечатан в АНО «Ямал-Медиа» 629309, ЯНАО, г.Новый Уренгой, ул. Северное кольцо, стр. 2/4). Газета выходит по субботам. | Адрес редакции: 629003, ЯНАО, г.Салехард, мкр. Богдана Кнуныяца, д1, каб. 106 тел. (349 22) 4-53-32 |
| | | | | E-mail: nn@yamal-media.ru |